



寧靜閣三集

昨夢詩曆

三

~ 16  
179  
9



179  
卷 9

# 昨夢詩曆

昨夢詩曆序  
 天地古今一也夢也人之夢也  
 百世無疆之夢也生靈之夢也  
 中夢乎中夢之夢也先生之夢也  
 此夢也夢詩曆也先生之夢也  
 二年己酉秋子又久二年壬戌

三  
子  
久  
二  
年  
壬  
戌

百餘之十四星家而自先生生家  
 逢之也遂而交際以至其地好  
 時愛人福履我備我清之生  
 此句如夢如書林少陵生書到  
 之章之君之百之歸歸海難難海  
 下目之所弱性情之所或或及而

而歌詩之讀之生而相其時其人  
 悅新此流而而終之古人得之而  
 史因宜也先生中著者未敢曰  
 之少陵世亦報之心而為君之  
 然也之如位之少陵之可之作之  
 冬之之先生之編之在來之

此後能知又何之能生回日大  
 夢之自大覺後之親是也  
 以物之成中出也夫  
 夢之自白宮是之自  
 古田之字家後  
 詩所之也



昨夢詩曆卷上

古奧大槻清崇著

嘉永二年己酉

六月朔始就仕途賦示同僚諸君

半世江湖放浪身特恩新列扈從臣曲拳擊跽  
君休笑一片朴忠磨不磷

九月廿日

公游袖崎別業臣崇扈從賜

題賦紅葉

紅袖崎邊紅葉秋，乘晴來繫玉驂騮。也知青女愛君意，一半深餘供後游。

浪華小竹翁見似其生日自賀詩有感賦

此却寄

四月十四君生日，五月十五我誕辰。馬齡已及四十九，君壽添一即七旬。誰道禍福非天賦，生來異科富與貧。何況智愚三十里，難將鴛材逐後塵。獨有文字交不變，二十三年一日春。何時

能遂再游志，相逢一笑白頭新。

再疊前韻酬見和

當代耆宿四方望，譬如衆星拱北辰。身在上游

名愈重，齒德况已垂。七旬韞材來積曾，自道竹小

積句韞材來愧虛名。一家笑語不知貧，嗟我官路久迤邐。

艾髮初掃，講筵塵吾翁愛我。勉自愛温字，其言

暖若春格。君心非吾豈敢，榮順只期主德新。

二兒歌

時備兒五歲復兒三歲

大兒如白石着着不後人小兒如黑石少少只  
 顧身脩乎望汝養其銳機事能密不害成復乎  
 望汝持其重終然收來全局羸君不見老蘓當  
 年名二子軾轍取類良有以按易繫辭傳機事不密則害成先儒解為害生之義余謂妨害其事成就也今且用鄙義

余侍講半載十二月十八日始有章服之

賜詩以紀恩

啓沃在心切則微講經半載侍蘭幃小儒何以

酬榮寵一領新恩上下衣

三年庚戌

正月二日

公賀正於幕府例也黎明駕

將出特命

清崇

賦其事謹綴三絕句候駕

回以奉呈

劍佩裝成儀衛隆乘輿已駕曉烟中  
 兩箱金蹕爛輝日雙柄羽毛珍拂風

賀正前殿捧流霞蓮幕風微香篆斜  
 一領春衣

恩賜渥煌煌，雙袖白葵花。  
柳營日午漏聲催，朝散群侯競駕回。  
一騎飛塵來報道，慈幃春暖笑顏開。

送浦賀尹淺野君赴任

吾觀近世待外夷，牛刀割鷄亦甚奇。  
一艦所裝砲幾口，我乃千萬人備之。  
不獨四鎮勞守衛，沿海諸藩奔命疲。  
待其揚帆纜撤，備經費何翅十萬貫。  
欲救此弊在審彼英清，近事知不知一縷。

鴉片煙未滅，席卷江南已有期。  
且約歲幣二十萬，城下之盟飽颺歸。  
挾其餘威來擬我，欲啓兵端苦無釋我策如出。  
礮擊未彼輒得志，速尋師弘安神風何足恃。  
滿清覆轍現在斯，不若且收張皇勢。  
燕股從容詰其來，互市大禁不可許。  
求薪乞水乃可施國威，既立允費省。  
彘遠我莫善於茲淺野鎮臺將赴任，祖席迎我苦乞詩。  
吾豈贈人以言者，畧陳固陋君且裁。  
行矣海衛國重

事可說區區私別離桃花楊柳春三月明年迎君亦此時

五月四日駕發江都賦一首陳私哀

千騎駸駸指輿藩儒臣獨落在都門衆中不敢分明泣暗向公輿拭淚痕

封內名勝詩二十首應教而作錄十首

金華山

在牝鹿郡海上三里聖武朝始貢黃金大伴家持獻國歌以頌焉有陸奧山

今黃金華之句自此稱金華山自古名勝

屹立烟霞縹渺間海東名嶽是仙寰千秋赫赫金華句無復人呼陸奧山

阿武隈河

源出白川郡甲子山東流數百里歷我柴田伊具且理諸郡至荒濱而入于海按阿武二字古歌多用逢字之義蓋以阿武逢邦讀同也

甲子山頭是水源洪流百里向東奔滔滔日夜逢川綠不為離人洗淚痕



名取川

源出本郡清泉嶺東流過中田驛為中

田川土人多設漁梁捕鱒及香魚源

重之歌既誅其事則由來舊矣歌云名

取川梁瀨乃浪仁佐和具奈利紅葉也

以止止寄天

世久良武

秋老源頭霜氣清  
墜紅泛泛逐流輕  
夜來急漲  
渾梁落幾隊香魚破錦行

宮城野

在青葉城東郊自古多題詠源俊賴一首  
最能盡其勝概云樣仁心仁止麻留

宮城野乃花乃

東郭金風草露稠  
晚涼引我到松邱  
鈴蟲聲咽

菽花路月冷宮城野外秋

末松山

宮城郡八幡村有寺曰末松山隣障寺

寺中高丘青松成林其地去海濱十里

餘是古所謂末松山云按歌林良材載

昔有男指末松山謂女曰若使海濤翁

彼山之吾心乃可變取蓋言必無之事以

矢之也後人往用此典清原元輔歌

最膾炙人口古今集東歌亦云君遠置

天安多志心遠我持波末乃松山浪毛

作此詩香

武 越 奈

雙松對立翠交枝，妾舍君身欲託誰。如使斯心容易變，海濤亦有踰山時。

十府浦

今之利府即是蓋以十與利邦音近而訛耳或云地產菅席十府是十經之義未可知然否

露彼菅茅秋水寒，授衣時節最思君。苦辛為織十編席，剪得英英幾朵雲。

玉川

在鹽釜村南古有河流與海水通今則廢為溝渠此地本以千鳥顯野謂野田是也

篝燈影滅散漁舟，殘月橫山澹未收。一道清流千箇鳥，曉風吹度野田秋。

松浦島

在千賀浦南洲島之奇殆亞松島最宜於雪藤原光俊詠海邊雪云降積留雪連渡留松賀浦島

乍寺寺香

卷之二

白盡松灣十里沙滿天霏雪舞婆娑潮風忽掃  
洋心去島島分明辨翠螺

真野萱原

千箇真在牡鹿郡真野村萬葉遠面駭為而所見  
與之真野乃草原雖遠面駭為而所見

蕙葭秋冷露為霜原野蒼茫帶夕陽一夜西窓  
千里夢佳人死在水中央

緒絕稿

古川驛中有小  
板橋即是也  
多情倚柱恨難消又見春風上柳條心緒絕兮  
誰復續梅花零落夕陽稿

袖渡

在石卷市北即  
來神川下流也

滿港東風吹軟塵梅花早發海門春誰憐江嶺  
流人淚雙袖龍鍾渡古津

磐手山

作寺寺香

卷之十一

八

在玉造郡黃門公所掌城以居焉然  
古歌所詠在磐手郡所謂磐手關亦係  
其近旁之地源俊賴歌云志波志登毛  
磐手乃山乃紅葉波色仁出天古曾人

久矣邊陲絕戰塵  
閔門不鎖送蹄輪  
滿山紅葉秋如錦  
留得林間溫酒人

附錄荒木孝繁和歌十二首

仙臺大槻先生見似封內名勝詩若干首繁  
謏陋何足以窺先生詩格之妙然仙臺名勝  
之著于古歌稱於海內者何其多也其山海  
島嶼原野川澤瑰琦偉麗之觀與夫幽邃間

解之境魚貫鱗次聚之一封之中不獨金華  
松島甲天下也但以繁之多係累足跡未  
至他邦則每讀人將記客詩未嘗不恨身無  
羽翼况先生之詩能述其勝者乎乃賦國歌  
逐篇和之聊寓神游之意以謝愛顧之恩耳

玉所敷蓬萊島毛大皇國乃黃金花開山仁  
將及我金華山

無濁例止曾見類君代爾阿武隈河乃浪不  
起之天阿武隈河

楓寄秋乃眺爾陸奧乃名取乃河乃世爾高

志毛與名取川

真菰開花乃錦乃上仁又露乃玉懸宮城野

原宮城原

不譎人乃心乎見須流鴨未松山浪不越之

而未松山

無飾鄙乃手夙爾所忍天往世由加之十府

乃管薦十府浦

寒夜者如何哀乃將深千鳥鳴云野田玉川

野田

群鶴乃友呼聲毛長閑爾天霞加加連類松

賀浦島松浦島

夫戀之風流女子賀面影毛所見心地曾真

野萱原真野萱原

王簾乃緒絕橋乃令毛尚懸而曾忍世世乃

布流道緒絕橋

旅衣馴之袂毛露計久天袖渡爾秋風曾吹

日

袖渡 磐手山關 右歌詞書體共擬萬葉而旁施國讀者例先 生原集引証古歌書卷也庚戌初冬繁識

仲夏念濱苑監木村氏招飲同諸彦賦

來逐城南綠樹風深泥沒屐路纜通人無俗調  
忘官舍園有光輝接渚宮時雨時晴海雲暗半  
開半落石榴紅最憐軟管嬌絃響不到清談細  
酌中

九月十三夜藕潢林子集用中秋韻

三顧非關訪草廬重尋風月到幽居曲屏深掩  
名人畫素壁高懸故相書宿雨香消金柱樹新  
霜紅老木芙蓉林端日飲未呼燭坐待清光穿  
碧疏

十一月十九日觀琉人入朝五首

傳呼聲遠徹城濠子子干旄拂日高一隊巖裝  
前後搯琉人整肅薩人豪  
賀慶僅在九年前王子來朝是浦添重見玉川

作夢詩香

卷二

恩謝使虎旌龍戟尚森嚴  
東關南島異涼炎想見蠻奴苦滯淹  
最是霜晨入朝處寒飈凜凜卷長髯  
南溟萬里涉波濤停旆寒天十月交  
恰好供君斬新物半空瑞雪灑松梢

遺恨千秋尚未消鵬程無際海遙遙  
如教藩祖志全就今日并觀呂宋朝  
四年辛亥

三月十五日

天朝追尊和氣朝臣為護王大明神真曠世  
外之典也陪臣清崇聞之不堪感激為私賦

古調一闋以頌清德

日出之邦天神孫開闢以來唯一尊恠他豐聰  
燭異教馴致妖靈侵天闕何物老以丘敢朵願  
神器破戒逞淫毒醜聲不可記舉朝脂韋流無  
復一人議倭祝稿神教迎合抑何意堂堂和氣

清麻呂奉使分明奏神語急急掃蕩無道人天  
日之胤勿亂序佛力何曾敵神威雷雨晦冥氣  
色沮竟使四十八代天克纘殆墜之皇緒吁嗟  
嚴霜烈日氣節臣聖之清當歸斯人

四月初吉公駕入邸恭賦呈左右

花點金鞍發海隅春霖十日奈泥途紅暉今曉  
新晴好鹵簿鮮明入大都  
銚隊駸駸予隊開彩旌映日簇成堆傳呼聲近

人心肅畫戟森嚴擁駕來

一拜君顏感泣深何圖咳唾借餘音獻詩兼及  
私衷語也是微臣葵向心

林子新樓告成次見示韻以呈

爽氣秋高天宇寬危樓新就好憑欄澤無菡萏  
碧全盡隰有游龍紅欲殘活火時將新茗淪明  
窓且把古書看人間清福先生在不似吾儂儒  
服寒



中津候新鑄葛農砲二門使吾友佐久間  
象山試演擊於總之鶴牧余近受命學此  
術因請暇往觀為時辛亥仲冬六日

車如流水砲如龍十二斤彈新葛農呼做將軍  
果然是猛威摧盡萬人鋒

一聲霹靂破雲來餘勢掠波跳幾回都人遙聽  
轟轟響應道南天有凍雷

響動海山烟未消霰彈如雨注高標憶他兩煩

前驅去奪得千尋落日槁用那波列翁事

一丸挾火截長空遙曳餘聲落海中鐵片紛飛

蹴波起恠鱗出沒水仙宮

孫吳未必策全功一掃蠻船在火攻更有蚩尤

逞奇術長沙五里霧濛濛

自著孟子約解三篇刻成因題其後

仁義纔終說王道造端最見苦心存堂堂第一

篇文字盡是王公當面論梁惠王

願學竟成深造功後賢前聖將無同看他左右  
逢源處來自知言養氣中公孫丑

聖賢生世豈徒然大道維持孔後權墨霧揚氛  
紛塞路清明闢得廓如天滕文公

梁王出處公孫學讀到滕文見事功便是三篇  
孟軻傳一生依約始衷終總論上  
孟三篇

五年壬子

正月十七日藕潢林子盛集疊主公韻

敢以文章逐後塵平生百事不如人幸隨諸子  
講吾道亦為先生容此身幾瓊黃流傾美酒滿  
盤紅縷膾鮮鱗不關簾外東風冷笑語團欒別  
有春

野田子明將歸丹後余同昌谷川北那波  
長戶姬井白須諸子餞之芝門一旗亭酒

間和川北温山韻以贈時六月初六日  
交態無新舊天心有雨晴且將一樽酒叙此七

人情棋手誰能敵。文名世久驚。灰期君莫誤。來  
歲笑相迎。

大森村演大礮歌

山田水練烏鶉 邦俗呼鶉為鶉其書生火  
術人所嗤誰知慷慨憂國志擬將微力防外夷  
聞說天戈戰爭際鳥銳遠自南蠻來大砲所傳  
果何代四輪車小難轉移一自洋書經重譯銳  
造車製漸適宜近日諸藩競摸鑄無乃居安不

忘危二十寸彈衝天砲便是金虜震天雷十三  
寸彈手曰砲其名蓋取可手持三斤彈是將軍  
砲亦異舊制佛郎機十五寸獨無定號且呼洋  
名倣忽微并將四砲一船載品海轉到大森濠  
官家新開演砲裏十里沙場長埒圍維時七月  
十日曉煩車輾輾朝曦長砲短砲森成列一  
卒遙見翻標旗忽有教頭傳號令二人耦進射  
手隨榴彈裝成砲首仰一人挺身火其臍疾雷

何曾及掩耳電光吐在海之涯碎片四散飛入  
水餘聲遙響羽田崎七人一隊繼之進立定各  
各從指麾大車橫架長蛇砲昂低一視象限儀  
左裝彈藥右柵杖中軍舉手火輒施連殼霹靂  
海山震魚龍失窟鳥泣飢我亦隨行演數砲偶  
中慚被眾人推平生砲藉非不讀求之實際不  
餘師獨恨吾藩闕此術墨守舊法慢不疑君相  
早察虛實辨新鑄洋砲補軍姿非曰能之且願

學為百夫長所不辭後來苟助三軍勢不負東  
國一男兒

附錄佐倉西村芳在詩  
讀磐溪先生大森演礮歌賦此奉呈  
隨陸無武古所嗤文人例被武人譏獨有先  
生兼兩事草檄討賊皆能為國家隆盛駕三  
代封建之治遍四海只是蠻賊情難測明良  
肝食不敢懈昨下明教募邊籌首相心蓋在

兼收造艦鑄砲雖然切空論誰辨劣與優萬  
言竟不如一行先生志氣何峻挺行之當以  
何物先巨砲之利猛而勁七月十日曙雲涼  
煩車爭送演砲場海風吹散曉天霧日射砲  
背動龍光短者白砲長煬砲坐熊羆兮蹲虎  
豹蛇煩真如長蛇卧欲向海潮發大嘯忽然  
地上赤星搖霹靂一聲震碧霄飛電眩眼雷  
貫耳十里沙場捲怒飈驪龍爭雄恠雲作烈

火擁珠空中躍后羿仰天射妖靈九日向地  
一齊落演罷林外夕陽紅各收煩具報事終  
且翻名藉檢中否速拙未必讓遲工吾亦幾  
回試演戰戎裝換得書生面獨驚先生逞絕  
技彈達標的不誤寸歸來茅屋枕陳編齣  
便作三日眠忽聞先生鼓餘勇綴作三十韻  
長篇摩挲困眼一再讀恍訝筆底轟雷伏鳴  
乎火技華鋒俱破的堂堂之陣有誰觸君不

見扶桑雄威歷百蠻，文士亦堪紗三軍。且向  
萊公寄一語，作詩退賊自有人。

九月晦携兒修及朝妻生拜先人墓遂游

海晏寺二首

古寺殘楓紅半摧，秋風歌罷有餘哀。林間溫酒

人安，在石徑停車客不來。此地昔人有楓  
林會今廢久矣

爛紫乾紅錦作堆，夕陽忽見故人來。白頭未肯

休官去，林下相逢一笑開。山上逢保  
岡元吉來

附錄越後朝妻清詩

九月盡從先生父子觀楓於海晏寺逢保岡

先生歸途陪飲于萬清樓呈二先生三首

古刹秋清萬木霜，風吹竹榻竈煙颺。零紅不

掃，菴底添得村茶一倍香。

山前山後錦玲瓏，一道溪流橫彩虹。零葉趁

人飛不定，夕陽林外暮風紅。

奉將餘瀝講斯文，今日何榮御李君。休笑韓

家後園客軒昂猶欲避鷄羣

六年癸丑

春初林子盛集分韻得寒

是日會者賓主共十人

追隨又上酒詩壇偏喜年年盟不寒千頃煙波  
三面碧一樓笑語十人歡梅經臘雪靈香散嶽  
帶春雲瑞氣攢如個風光可無句停杯獨自倚  
晴欄

齋藤有終將歸五瀨余與長士讓山希逸

及堂弟瑞卿餞之柳橋元龜亭酒間賦贈  
人生聚散付悠悠自有神交氣味投細雨梅花  
故人酒元龜亭上卜重游

奉送龍野侯純齋公赴任京尹

貂皮鞞連環紋兒童走卒皆知君松公武雲公  
父赫赫門閥誰不聞後來龍公執幕柄朝野翕  
然頌新政今公又在寺社職榮遷新奉京尹命  
遙々海驛半月程滿城鶯花入帝京天顏咫尺

尺賜春酒宣布德威遍黎萌嗚乎先世功令公  
業雙美人稱大小脇古詩今茲嘉永六年歲在癸丑三月上巳實為  
王右軍蘭亭勝會之辰蓋上距永和九年  
一千五百歲而得癸丑二十有五矣壯軒  
林公以是日會同社諸子於巢鴨別業以  
擬脩禊故事崇亦幸陪席次因集蘭亭序  
中字每句押韻以呈

一世大賢林斯文虛懷若水氣宇清終年誓古  
無少間朗悟人咸感不群是歲癸丑暮之春故  
修林亭會同人竹外一曲引激湍長流映帶左  
右山天氣清朗騁游觀况又日長類少年和風  
坐靜無管絃暢然叙得觴詠情嗟我蘭亭跡既  
陳俛仰豈能無慨然人生修短不足云天無終  
期萬古遷崇也妄自隨群賢列坐其次亦欣欣  
為錄盛事叙陳言無以不文舍老生上



同前呈尊外藕潢先生

老林風懷尤清致自得欣欣帶和氣能察虛信  
取舍人又知感慨長崇同蘭契既有年每  
聽喻言足快然是日隨游臨此地觴詠相和至  
暮天竹老林古湍水激寄興山亭感今昔時遷  
風化不暫間俛仰游目咸陳跡自有春風不世  
情天和一至群類生人事亦合聽所遇靜躁同  
期懷抱情靜世文化宇內一異於暮年永和日

盛會盡致一時賢後人有感視斯述

閱藍梁云集字二首聯璧貫珠鋪叙之妙  
無味可容但少年作少年是為白璧微瑕

未幾十三日藕潢先生復會同人展三日是日

林好穀雨

節逢穀雨雨如麻喜見晨晴報絳霞水北不追  
蹈青約城南近訪讀書家雙双掠水挽先鳥片  
片飄風落後花復擬流觴展三日醉來無話到  
紛華

乍夢詩卷

卷之十一

四月十一日復赴林子招飲得寒字是日  
學館諸子來會

天女湖邊老虎關又應飛檄上吟壇晴陰不定  
朱明雨冷暖無時麥秀寒幸廁羣賢叨一座慚  
將故態對新歡談鋒紛起觴無筭綠壓軒窗日  
未殘

讚岐尾池玉民遠寄其松灣漁唱六卷乞  
余批評閱畢賦此詩以并寄依其疊韻

梅隱詩名久已諸鵬程無計及圖南游踪曾遍  
東西北賤齒今躋五十三藻海纜通魚雁信松  
灣難接釣漁談還他此卷情愈切泣向薰風暗  
淚含  
金又謝其見贈穀似集  
平生丰采未曾諳只熟詩名噪海南陸氏弟兄  
今少一蘇家父子世稱三數行尺素見心曲千  
里寸丹如面談幾卷并傳穀似集果然華咀又

英會

今心藕潢先生見賤八音一貫之作劬顰賦五

平王首以呈錄

金馬何須避世塵石泉幽處好容身絲綸原自

在賢相竹帛只應論古人匏繫生涯漸盛世土

崩天下想千春革堅兵利今無用木鐸只期風

俗淳

金章斗大欲何為石室藏書聊自期絲雨片風

寒物候竹門柴戶淡生涯匏尊有酒儘堪友土  
偶無言真可師革削吟成苦相寄木桃敢望報  
瓊詩

附錄元人林清詩

金紫何曾一挂懷石田茅屋自天開絲竿釣

月江頭住竹杖挑雲嶺上來匏實曉收栽藥

圃土花春濕讀書臺革除一點浮雲慮木華

題詩酒數杯

小春初五司成林公盛集同諸彥賦五色

體限五律

君自登雲客班聯瑣闥倫子衿成秀士阮眼見  
同人誰作出藍器門多汗簡賓我擅存舊物三  
百不憂貧青

千年土德王不見戰塵揚河水清何日邯鄲夢  
一場幾流傾玉瓊無話到金章淡淡歛昏月時  
聞殘菊香黃

半空霞映水落日楚萍沈露滴蘭天燭霜殘楓  
樹林人勞魚尾渥頭禿火光深一幟何時建蹉  
跎報國心赤

雲飛秋色盡霜髮鏡中驚漸以書生面來參振  
鷺盟灰深爐火暖屏素燭光明曳紙詩纔就虛  
堂月已生白

先生髮如漆拂拭倚烏皮休嘲玄尚白不免涅  
而緇墨突吹煙處張池洗硯時晚鴉啼未散又

覆昨輸棋

黑

長戶士讓云詩詠五色宜鋪陳五色事實如此詩則似席上宴集之作又似間居言志之作鴻匠之製意不及此是僕之所不解也崇云余素不喜詠物體以其局於一物而三活動之趣也是日諸子皆用詠物體余不敢雷同而獨異其撰者亦為此之故耳士讓之

大垣鐵心大夫至日清集分侍吾有以待

之六字為韻余得侍字

苟侍其可侍無侍不可侍能固其國本四邊民

憑侍何謂固國本君明臣有侍聰明而神武不

殺亦堪侍而况臨戰陣三軍皆倚侍否則將權

輕號令獨難侍今之負氣者吾知不足侍口說

日本膽虛勢徒矜侍譬之黃吻兒悵悵失怙侍

當其一敗時唯神風之侍嗚乎海防策安在欲

與虜戰果何侍君不見鑄礮造艦渾間事鐵心

之外無足侍

安政元年甲寅

春夢篇

米芾來來幾時維莫之春以為期曉煙淡淡收  
 帆影火輪輾海疾如飛烽火不揚砲臺暗巨艦  
 已過觀音崎海門戍士投袂起爭馳快舸四面  
 圍回翰有無河遑問砲聲已接海之涯春烟忽  
 變成毒霧霧中隱現紅白旗戰酣誰進火攻策  
 幔裏枯柴前後來東風助勢烟焰漲萬雷聲中  
 電光馳鐵作海城何足恃銃藥翻為自焚資櫓

焦帆爛沈海底百千魚腹飽浮屍城中凱歌未  
 及奏滿船將士呼快哉行人獨誦樊川句卷土  
 重來未可知

橫山湖山云詞氣雄壯雖夢亦可喜讀至結  
 尾使人索然關藍梁云結語肅然可謂覺  
 世晨鐘矣崇云  
 後評先獲我心

贈清人羅森

避亂蠻船亦一奇吳中戰鼓不聞知翻將萬里  
 東來眼快觀芙蓉絕世姿

東林公書懷韻三首

使臣專對擇才能，萬里風濤度峻嶒。  
 七道標旗輝曉旭，一聲虛砲報晨興。  
 戍兵未徹士騎虎，和議纔成人釋冰。  
 記得蠻酋獻方物，飛輪巧技歷奇肱。  
奇肱山海經郭璞贊曰妙哉工巧奇肱之人因風構思制為飛輪  
 頽俗挽回非不能，神州義氣久峻增。  
 北條勇斷消邊警，南木精忠助中興。  
 炙背區々獻微暖，履霜凜凜恐堅冰。  
 腰間時躍龍文劍，未把殘骸付

曲肱

為人性拙任無能，其奈世途峻且增。  
 一片丹心寄慷慨，千秋青史感衰興。  
 看他邊議持蜂鷓，聞說廟論爭炭冰。  
 唯有清風如故友，北窓來伴卧餘肱。

附錄林祭酒詩  
余又餘與文餘三人詩

世事於予百不能，誰知意氣尚峻增。  
 議論須待闔棺定，毀譽任他當路興。  
 強弩終難穿魯

縞夏蟲何可語冬冰夜來唯愛梧桐月獨卧  
南軒好曲肱

星夕祭酒公招余及猶與克精三人夜話  
快甚因呼韻同賦

先生下榻坐三朋對語披襟萬慮澄半壁蟲聲  
林際屋一池魚影水心燈天過午夜銀河轉節  
近中元金氣騰如許星宵難後遇且留眷眷記  
吾曾

聞關西地震慨然有此作

冢峯山崩沸百川生靈歷溺豈非天廟堂變理  
知何策嗚咽空歌十月篇

閩藍梁云丁未四月信中大震研有為陵為  
谷老騰沸十月之篇不我欺句今讀此詩真  
箇同感慨也

二年乙卯

六月念一日介薩侯近臣井上某觀其新  
造軍艦歸後作歌以呈侯



掃蕩妖氛限大洋，一鎖不通二百霜。風帆近走  
山影際，危檣突心表。扶桑物換星移，天地變一  
新。祖宗舊局面，米利堅魯西亞，只用和親，不用  
戰。彼來我往，勢宜然。創造巨艦，亦是天如今意。  
匠經營際江門，未見品帆懸。薩侯夙解秦西，度  
摸造一一不憚。素艦成航海術，亦通快駛三四  
千里。路來泊萬檣林簇，間旗影依稀。誅漢蠻吾  
往，觀之高輪浦馬銜。徽彌金爛斑，三柱屹立十

餘丈帆，繚縱橫若蛛網。二十四斤大鐵，煩左右  
森列。雄氣象，駕梯更入船室中。玻璃引明太玲  
瓏，將壇卒衙有區畫。彈丸疊積，硝藥充鳴。乎製  
造之精，有如此足。使洋人記絕技，好借史筆大  
書傳。洋製軍艦從薩始。

十月二日夜四鼓都下地，大震城郭街巷  
一時皆壞。所在發火，延燒達旦。死者蓋十  
萬餘人。父老皆云：前世所未曾聞。余偶讀

某生詩不堪慨歎乃疊其韻以述鄙懷六  
首

屋倒墻傾壓殺人天將異變警同倫何心更逞  
祝融毒焚盡生靈百萬身

大震曾聞上國人山崩海嘯滅人倫今日萬屍  
橫道路豈圖親見在吾身

廟堂燹理豈無人應變奇才孰出倫熱血滿腔  
何處灑跼天躋地不容身

却向書中求古人賈生才調更無倫若教之子  
在今日甘附執鞭從後身

一開鎖國納蠻人世變古來無比倫寰海未成  
戎馬地幸然猶是太平身

少小期為不朽人竊欽洪範叙彝倫半生漫自  
託鉛槧未有著書能等身

吾公憂恤之餘多出內帑金以賜群臣仍  
昂以講文武臣清崇不堪感激之至恭疊

三章以紀恩

減膳損衣常愛人新恩今更遍羣倫温言挾纊何堪以只覺春風被一身

臣之壯也不如人老且無為愧等倫今日君言及文武赧顏何地可容身

自悲風樹已無人偏識君臣是大倫一領鐵衣三尺劍只期緩急致其身

橫山湖山云感君恩而念及風樹真是人子之至情閱至此篇不覺韻之重疊何也意勝

于詞故耳是詩之所三以崇意趣也

十日震止喜賦

震餘微動屢驚人地定天平不改倫更喜滂沱一宵雨惠然霑被萬人身

和林祭酒震後偶作六首

天下滔々溺宴安狹斜纜說又勾欄神靈猛怒傾坤軸要以餘威濟太寬

欲尋親友問平安狼藉片扉兼斷欄幸矣全家

顛覆處留他空隙，一身寬。  
曾無棋局似長安，滿巷灰塵未設欄。  
想見昔時兵亂跡，天陰鬼哭野間寬。  
矮屋三間居易安，畫樓何更望雕欄。  
果然吾室未全破，容得圖書鷄犬寬。

補屋脩牆意始安，案頭時展烏絲欄。  
一篇錄得震災記，拉雜無倫君且寬。

慚無賈筆策治安，且廢讀書憑小欄。  
但為君恩

深到骨考槃，未學碩人寬。

送小野寺君鳴携三浦乾也赴仙臺

東奧多奇士，君鳴最傑特。  
不待父王興奮然，學中國讀破萬卷書。  
餘波及西域，常誦伐檀篇。  
君子不素食乾也，市井民仰慕。  
九五德擬駕，垂天雲周流。  
窮八極，幾隻飛龍船。  
結構皆在臆，利器求盤根。  
壹鬱無人識，一旦逢知己。  
忽得吹噓力，吾藩特命傳。  
委任曾不惑，君自巧，傑才造艦日。

可刺想見經營中不失遠西式更起鎔鑪鑪鑄  
 砲數十則置之舳舻間駢列為兩翼海運達江  
 門或航蝦夷北邊警一朝傳可以禦夷賊大成  
 苟如此雄藩無慚色奇士成其奇工師不失職  
 吾亦同志人慷慨奚可默去矣白河關大道一  
 髮直

昨夢詩曆卷上



昨夢詩曆卷下

吐不辭文流千古與大觀清宗著  
 安政三年丙辰  
 三十年外舊因緣瓊浦江城各地天今日相逢  
 喜還泣朱顏凋盡髮蒼然  
 送山田子景歸信中  
 海警紛々時則然馬蹄今去向何天山中讀易

殊不惡無復邊籌到耳邊

自許云余之學洋兵實受六教節於斯人其奉命教練亦亦賴伯將之助焉今日坐而

聞滿城洋鼓之聲真昨夢之餘曆也

三十大風行八月二夜

驅飛廉役惡來簸揚天地海水頽萬家漂搖人  
壓溺造物逞毒何慘哉頻年地震動九土倣成  
上下情文武予其懲不悛後患無乃天公激餘  
怒嗚乎無乃天公激餘怒



又

秋大熟禾未獲颶風暴雨一夕作城中明日米  
價騰或恐老羸轉溝壑燹理誰得宰相體不是  
賈生亦流涕廟堂笑應無遺策金滕之書啓不  
啓

題秋元甲山海嘯餘響依其原韻三首

豈將顛沛換安居養素知君學子車裂地震災  
纔免火排天清變殆為魚雖然頻歲遇奇禍只

作夢詩

卷之下

冷一生終永譽樓指同游已無幾到頭莫使社  
盟踈

去年大震覆城居無乃前車戒後車咫尺宵  
翻海水靈均幾處葬江魚須將直筆錄懲忿莫  
把私心曲毀譽福善禍淫皆有數誰言天網太  
恢踈

拮据纒支震後居不須携手賦同車肯將素食  
消烏兔且把朱研校魯魚幸矣微軀逃九死免

他群議博虛譽飽尊有酒書堪讀一笑先生生  
計踈

贈宮崎翠崖

傾蓋如故白頭新而今初知此語真昨日飄然  
君訪我品畫評書終日親今夕我就君家宿古  
鼎竒石紛雜陳對坐披襟談韻事灑然不着半  
點塵誰其介者橘陰子一堂相會温如春嗚乎  
紛紛名走利奔際如我三人有幾人

四年丁巳

五月望日林公陶寫軒雅集公韻得東

林亭高會此相同笑語聲喧綠蔭中  
婪尾春留紅藥露上番涼送碧荷風  
酒無深淺皆歸醉詩有高低各呈工  
遮莫黃昏城鼓報新蟾動影入簾櫳

京尹脇坂侯奉檄東歸之明日辱賜趨謁

恭賦以呈時八月十日

久護京城威德敷一朝奉檄返江都已期吐握  
求賢急未及下車先問儒

天開行

候問及當今時勢余不敢答退作天開  
行一篇以呈

天開鎖國通聰明靈慧妙智從斯生日月所照  
地所載自有火船可橫行奈何此時却鬱鬱窘  
於蕃吏智亦屈吾恐一旦邊警傳不免呼神仍



呼佛何如直駕萬里風一舉雲鷁凌長空君不見出洋一步天地別仙島神山森羅列

闕蓋梁云此篇最是磐兄得意之作但鋒銳太發露似無含蓄氣象如何春田九臯云詩有常會蓄者有不當會蓄者如此篇痛快必若許而為得體但其所論或有不必然者常待而昭竭之耳崇曰當時不聞其說至今以為遺憾

和復齋林公月下偶成二首

螺旋坂外藕池流幾度來陪雲錦秋一旦歸宗承舊業後來逢震奈新愁鄴侯書軸架中富郭

子兒孫膝下游自有門生伴文酒休言夙月乏

良儔

一將外事委儒流羽檄紛紛海警秋和熟東西纜定議以成朝野不知愁呼醒鋸齒峯前夢憶起錦屏山下游借問先生綏遠畧何人更與古人儔

八月十三日赴秋甲山招飲是夜無月連酌觥觥強自寬浮雲惱我到更闌天心畢竟

無心暗人意。由來得意難。好友爭追前。度約清  
光留作後宵看。醉餘不復論風月。一座雄談闕  
名端。

十七夜始晴賦寄甲山

洗盡長空暮氣清。亂雲堆裡月徐行。連宵風雨  
久無影。幾處管絃初有聲。漁火橫江知水漲。啼  
鴉匝樹訝天明。故人今夜成何狀。為寄秋心一  
片情。

余押鵲字詩與諸子唱和及十餘首而甲

山三疊一變應酬舊套新開生面叙皇

國威德卓越萬國而末以赤壁一炬結之

其一往忠憤之氣足以破外人之膽矣但

余別有所慨焉乃復疊原韻言其所不道

及要之其為忠憤一也不知甲山以為何

如

五大之洲何茫茫自天視之孰中央碧瞳紅髮

寧有種同戴，天地日月光。腐儒動立華，秉鞭豆  
大眼孔欲何望。漫把洋人以蟲魚，海有水城陸  
火車。况乃鍊兵精，且熟百萬銳。卒惟所需當，此  
敵國跳梁，日空文枉著。無用書不然，游惰美風  
月等閒老却詩。酒窟高吟誰激壯士肝，陰崖穿  
蛇有義鵲。

五年戊午

重三前一日土州容堂公招佐藤一齋安

積思順及余三人擬修楔之會，又酒清談  
以罄半日，歡不堪放。幸席上賦一絕以呈  
珠簾不動兩濛濛，陪坐瓊筵伴二翁。為是主公  
能忘勢一堂，文酒醉春風。

侯自寫酒壺於扇頭并題天下唯此物矣  
六字見賜因呈

君侯大國主二翁，曠代儒天下唯此物何獨在。  
玉壺

八日 公駕臨麻山別業觀步卒演銳兵

臣亦扈從恭賦奉呈

枉駕山莊觀演兵豫游時亦不忘情花飛蝶駭

晴雷起驚破春園笑語聲

感春三首和韓公退之韻時米利堅使節杜雲仙來

梅花美無度玉立嚴冬間巖巖見氣象英華吐

爛漫夜色雪相映晨姿霜未乾胡為狂風起一

朝忽傾翻時節適當爾懷悲自無端每首結末二句用公

成句是係余創體

櫻是百花王桃李皆避退雖然詭繁華局促扶

桑內天地多奇花孤芳寧足賴誰能駕飛車相

從觀海外

明皇愛牡丹妖紅與奇白野鹿將宮中來啣黃

一尺况有傾國伴君王興益劇新曲清平調高

歌倚玉笛漁陽擊鼓動中原交牙戟幸哉生樂

都一城安在席花開人若在貴賤不相隔少年

真可喜老大有無益  
 送花旗國使節杜雲仙還下田  
 不見英夷百萬軍  
 早將三寸策殊勲  
 挺身奉使古無例  
 緩頰定盟今有君  
 置吏雄都防外侮  
 開商好港勸民勤  
 歸程何物壯行色  
 富士峯頭八朵雲  
 四月廿四日與綠山徹定師茶話遂命駕  
 訪北澤可雲上人翌日游玉川泛舟而下

至六鄉津乃雨得八絕句

禪榻茶烟吹髮絲  
 浮生半日了殘棋  
 無端更伴遠公公  
 得得來尋淡島祠  
 不聽秧鷄不見螢  
 山僧留客若為情  
 徹宵聽盡羣蛙吠  
 也勝城中嘔吐聲  
 半夜池亭聽雨眠  
 不知幽夢落何邊  
 潺湲引得珠川水流到  
 吾家阿對泉  
 後山高處坐晨晴  
 俯仰蒼然夏色清  
 幾曲龍笙

震林木田田蛙鼓欲無聲  
水晶花外急新鴈村路行窮到水邊一帶清流  
拖白練王朝調布想當年  
蓬窓舉酒互相酬逢掖麻衣共一舟百萬生靈  
依此水莫將餘瀝洗中流  
笛聲起震斷腸聞嘹亮餘音入遠雲渺渺空江  
無聽者魚龍潛躍水成紋  
六鄉津口雨斜斜一路無如泥滓何竹兜載將

殘醉去鈴林鮫浦夢中過

十月望林公書室新成謹和瑤韻以呈

百忙纔破一堂成公退且謀休退情官路翻雲  
換榮辱故人轉瞬隔幽明霜寒林鳥棲無定月  
白池魚躍有聲醉後狂顛君莫恠世途回首事  
堪驚

功名誰似豹留皮百萬生靈瘦死時蘭折艾榮  
且休問鷺班鷗侶不愆期團欒自有詩書畫過

密久無金石絲且喜先生憐晚節殘黃護得傲  
霜枝

六年巳未

祝片倉大夫令嗣豆州君四十初度

賀已往祝將來男兒四十強仕時况君世為國  
柱石當路執權已有期政權全在賞與罰濫能  
亂國信能治用才只合服聖訓任賢勿貳邪勿  
疑祝君前途唯二語報國深衷吾豈私鳴乎白

石巖巖一城主祖先勲業萬人知苟恃門閥安  
温飽不用當筵賀一辭

関蓋深云與上大  
夫言亦侃侃如也

尺何巳未中秋月色清朗近歲所稀余與関克  
精對酌吟賞罄歡而止翌早菊池老人馳  
使寄示次余舊押之作因依原韻報當夜  
情况并答見似之意  
盤古以來跡茫茫邵子元會運未央蠻入神州

天地變自有冰輪不改光况又清靈異常歲維  
 安政六仲秋望急命家童放鑰魚門外忽留故  
 人車欣然相邀同醉月斗酒千錢唯所需此興  
 此時難再遇不覺史筆須特書但使清朝如夫  
 月何必奉使蛟鱗窟時有使米利堅之命嗚乎論列是非  
 公等職誰是當年獨擊鵲

菊池士顯云此韻唱和詩既刻在龍蛇集余皆評之今讀此疊韻如逢舊相識又云獨擊鵲好典故何處得來崇云王素奏事論列是非得旨方退目為獨擊鵲見宋名臣言行錄

十月廿七日幕府有命割蝦夷東境三千  
 里之地賜吾公野多孤納二島屬焉越  
 年一月公示手書羣臣以傳恩命且諭  
 曰守衛開墾汝等苟有所見各自建白勿  
 有所諱更命儒臣清崇作之歌  
 蝦夷東境三千里新賜吾公抑何意借力雄  
 藩固疆圍幕朝所擬不外此臣按是乎有三策  
 畧陳固陋幸熟思曰養土著之士擇藩子弟



移其地。涇寒漸。慣服土性。勁悍始可講武事。二  
 曰定開墾之法。咨詢洋人。用其智。開拓不毛。彼  
 所熟。竟使山海無遺利。三曰起富強之業。相  
 海灣。開互市。昆布。鱈。鯨。熊。羆。皮。可以易軍國用  
 器。三策要之。十年後。東方更開。新瑞德。鳴乎。藥  
 不。瞑眩。病何瘳。料。擲。精神。在。諸。吏。君。不。見。昔。日  
 米。夷。曠。漠。原。人。煙。達。境。百。物。備。

歌既成尚有一事可言作絕句以補之

不必通情待狄鞬。化夷唯在撫黔黎。隣交更要  
 十全策。隔海青山是魯西。

歲晚書懷

懶冒功名向畏途。亂書堆裡歲云除。人間得意  
 人皆遊。成就乾坤一腐儒。豈非天與中身風萬  
 萬。延元年庚申。  
 送水師總督木邱攝州之米利堅。正月廿  
 乘長風破萬里。浪快語久聞紙上傳。何圖目今

在日域送君長風萬里船維  
皇安政七年春  
洋千八百六十年新公垣公奉使節鷁首遙指  
米利堅木公別艦導之往火輪先着第一鞭是  
為吾邦航海始開物至此豈非天鳴乎長風萬  
里行并君胸中書萬編實往而實歸示我天地  
未曾有之雄篇

木公臨別書二十字於扇頭為題

今夜一杯酒明朝萬里行黯然雙淚下不獨別

離情

送新見村垣二公使米利堅

節鉞威風卷急流也知使命出懷柔火輪輾去

太平海送到浮嵐紫翠洲

門人川崎生從行賦贈

此去南洲何日逢連天積水碧重重遙山忽見

人烟起滿艦歡聲拜閣龍

聞藩玉蟲生亦從行又作一律以贈

茫茫太平海，船走大濤間。萬里唯觀日，五旬不見山。人煙逢異境，蜃氣訝仙寰。無路通音信，秋帆只待還。

買康熙韻府自賦紀喜三首

腐儒寧嘆食無魚，嘗盡古人糟粕餘。不換百城南面樂淵函，併得佩文書。文字叢中學蠹魚，二三千卷嚼無餘。從今不復貧深造，左右逢原足此書。

一任呼成懶，祭魚只將銘。槩送齡餘靜，時寧可死無。用欲著人間，未著書。

又久九年辛酉

言亦菊池梅翁宅觀永井磐瀨二公唱和詩卷  
林因次其韻呈磐瀨君  
吾友鷗所子詩筆兩蒼老唱酬疊幾篇淋漓墨  
未燥我欲與之爭枵腹恐直擣且收技癢心藏  
拙儘自好君負有為才沈滯鬱懷抱人生安所

遇離合如浮藻解衣以繫礪不必害大道

未歎又自述

性僻耽讀書矻矻不知老文章雖太拙潤筆免  
枯燥况有祿代耕新穀嘗細擣山妻戒過飲卿  
言亦大好豚犬稍長大行見孫兒抱有時感風  
樹掃墓薦蘋藻勉為斃後止未許朝聞道

附錄永井磐瀨二公原作

階前有芙蓉婢灼秋未老折之欲贈君恐芳

且萎紅燥居近不得晤鬱陶心如擣山鳥猶求

友何況斷金好乖隔已周歲孰不傷懷抱人

生天地間汎若水上藻離合無定期棄置莫

復道介堂

閨年候易催八月秋已老砌蛩聲漸稀井梧

綠將燥感此時物更思君憂心擣偶得鴻爪

書偏喜平安好友誼溢楮毫一讀攄愁抱不

恨相見踈心緒寓詩藻休為維摩嘆親交別

有道 鷗所

余既題唱和卷偶有觸平素慷慨之心因書所持論質諸鷗所君三首

親藩承大紘。燮理委元老。奈何兩都間。水火爭濕燥。可憐武元衡。朝駕左右擣。近聞霞浦東。風色太不好。橫行黃巾賊。剽掠及孩抱。安假鷹鷂手。驅入水網藻。而後迎鸞輿。肅雍下周道。耳熟膝下言。又聞之。故老魯西慕神州。自吾髮

未燥少年張虛膽。欲殲之。有擣公獨持長策。不如和親好。走亦獻野芹。區區吐丹抱。果然兩國人和睦。見戲藻苟不失隣交。萬古仰神道。皇侄有林沁。氣銳謀未老。兵釁自我啓。彼則火就燥。燕京九重門。萬丸紛來擣。畢竟儉人口。與戎不出好。殷鑒知不遠。杞憂空自抱。只冷主忠信。盟約祛文藻。雖曰之夷狄。難棄是直道。

鷗所云先生憂世之深溢為此詩筆力縱橫校戰成隊騷擾四五年間可大息流涕者綱

羅殆不遺相為快筆但恐議論過激為先生來旁議要藏之名山石室中可也

鷗所君宅觀姬路高書山所携明清人書

畫幅欣賞之餘賦此呈高君并謝主人時

辛酉三月盡也

高君好書畫鑒識隻眼老雲煙與龍蛇墨痕濕  
不燥一洗模擬夙奕奕神采擣記得歐公語物  
常聚所好尤物不敢私數幅遠來抱賓主只三  
心仔細費品藻此中好消息難與俗人道

悼鷗所君

五月十一日

學既到不惑齡纔過初老一朝病水腫渾身張  
未燥何曾委庸醫良藥日夜擣奈何奪年早中  
途失舊好自今翰墨場誰與說情抱來掃地印  
塵且薦南澗藻一堆馬鬣封松聲寂墓道

送人謁日光廟

縱然遼海納羣蠻烈祖神靈在此間一片丹心  
憂國淚遙遙泣拜日光山

送森井生游京師

函山之險馬可過急流難渡是堰河堰河滔滔  
人尚渡無奈迷海風波何君不見島原柳祇園  
花蛾眉照人到處多

王蛇行

係六月二日事

鄉友野君鳴遙寄書傳與民十五歲女為  
二妹誅巨蟒事實為一奇話因為作王蛇  
行以贈焉

栗駒山下南股里

在膽澤郡衣川村

谷邃林深多蟲豸

中有農民字作助妻抱五兒助耒耜一朝爺孃

出傭耕二妹在家依其姊忽有巨蟒來窺虛口

吐焰光電眼視五歲嬌妹驚且啼命在呼吸薄

於紙伯姊十五凜意氣游戲曾熟擲鎌技

此間俗兒較輸贏謂之所鑣戲以兩鑣命中左右睛蟒也

蛇蝮轉身起急倒一木罷其頭大斧斫腹蟒乃

死大斧刃徑七寸重六百錢云彈舌授龍何太迅拔劍斬蛇

差可擬誰圖深山大澤中生此雄豪奇女子阿  
 爺歸來細點檢其長一丈尺有咫背黑腹丹尾  
 作岐重則一百餘斤矣郡吏具狀訴之官異事  
 藉藉馳遠邇嗟汝山邱一賤女召賜賞金寧得  
 已今何况汝祖死於蛇今日報仇尤堪美天保中  
作右衛門入山見蛇長歌成擊節碎唾壺女中  
七八尺擊之觸毒而死  
 壯士古無比

送箕作秋坪從竹內松平二公歷聘西洋

六國時辛酉臘月二十二日

自開海門達四聰萬里風濤信始通米魯英佛  
 望風至亭漏葡萄競朝東來而不往亦非禮今  
 日奉使有二公博望窮河何足以延陵歷聘畧  
 相同從官箕子稱才俊載將橫父助其信咨詢  
 本是使臣事好把工藝細問訊窮理精確彼所  
 長周游各都枝益進噫嘻三寸舌一枝筆待君  
 來佩六國印



送市川生從松石州之秦西

天朝大德廣如海，綏遠遣人萬里。海香港去繞，  
新嘉坡翠藍西轉。是紅海輟路輾，上火輪車揚  
帆更走地中海。巴禮倫敦恩斯德歷聘，諸都向  
東海亭漏生而魯西亞。彼德城闕冠四海，五國  
聘終未便歸。葡萄牙問之沿海，嗚乎井蛙不可  
以語海。海外何知更有海，只合採拾異聞去。幾  
卷紀行名環海。

大門下川崎生再奉幕命之西洋賦此為贈  
米後一行十九人重應遴選有斯人昨日東洋  
今日西橫行大海若無人俗吏動憚入異域託  
言拍人是迫人此行既為和親使和親寧有仇  
視人歷聘泰西六王國碧眼紅毛誰非人我輩  
之書補職方從官須用讀書人吁嗟乎破萬卷  
行萬里不圖門下出若人欲唱長歌壯行色只  
恨凡語不驚人

川崎生以洋鏡馮余真影因自題

六句猶自事斯文。慚愧虛名海內聞。具體而微  
扣學識守身為大。慎清勤滿頭白髮。唯知我一  
穉。青燈不負君。楚產陳良聊自擬。天荒破得與  
東雲。

二年壬戌

春初賀侍講學士成島君新築

大厦就新春來。竹苞松茂歌幾回。講筵多年啓

沃力特恩增祿亦榮哉。我來為唱輪奐辭。且不  
以頌而以規。滿朝不乏薛居州。致君堯舜非公  
誰。

春盡拜先人墓

東禪寺古鎖煙霞。芳樹無人墓道斜。喚起三十  
六春夢。幾行幽淚。幾殘花。

関藍梁云。祭翁每春盡必有  
展墓之詩。孝思之遠可知矣。

歸路過仙岳寺有所感作歌吊義士墓

報怨不終且勿悔克成其志良雄在君雖恬然  
 坐戴天臣義誓不共俱戴浪戰不用城為背收  
 取生命各自退而後從容約同盟四十六人共  
 一隊維時元錄十四載雪月奇明狗不吠均服  
 振振橫長槍四面合擊門闕碎一家狼狽闕廷  
 內吾黨不敢敵奴輩大索遂斬讎人頭流血只  
 見鋒端穢償得寢苦仍枕塊臣事所留唯自裁  
 獻之故君慰幽魂墓門有梅酒可酌君不見豫

讓吞炭徒自廢三躍擊衣何醜態豈若良雄義  
 勇榮十全赫心以名照百代

東晉偶讀義人遺草  
青山延賦六首補逸事

國家立滅又何為屏跡衡門可樂飢却畫冶遊  
 投老僕乃公深意少人知

漆身何苦仍吞炭花柳沈迷報國讎不獨精忠  
 絕今古隱謀成事亦千秋

誰裁均服見振振鎖甲弓槍古鐵巾暗助復讎

成大事忠臣以外一忠臣  
 從容就死若歸家笑送流年赴壑蛇無復纖雲  
 滓心月留將殘喘待何花  
 後君泉下有餘榮不使群宵疑偷生四十六人  
 齊伏双天公成就義人名  
 泉岳春風古梵臺君臣同域碧苔堆殘花故宅  
 開無主應待忠魂歸來

五月十一日訪磐氏岐雲園偶逢其忌日

不堪悵然賦此付園丁

來訪岐雲墅偶然逢忌辰  
 辨香拜遺像題句了  
 前因林鳥時窺室池魚自慣人多情  
 紅芍藥五月尚留春

是日邂逅介堂永井君因復疊韻賦呈

磐井稱聯壁磐立井未老邂逅岐雲園俱悲遺  
 墨燥與君同心知難免怒為擣逝者不復回且  
 共尋前好坐來忘賓主澹然寫幽抱鳥破一林

煙魚開半池，藻好飲眼前。酒三杯通大道。

居不數月有特命再起，君任京師市令復

疊前韻以導其行

聖明辨忠邪，新舊代閣老。恩命下蓬蒿，仁雨潤  
枯燥。譬之月再圓，依然玉兔搗。榮遷况上國，前  
程風色好。利器逢盤根，不必易素抱。周鄭何用  
質，明信羞蕙藻。行矣莫蹶躅，青雲有公道。

今茲又久二年壬戌實丁蘇子壁游支干

蓋距元豐五歲為十三周甲七百八十一

年矣，余與友人約將以七月既望泛舟澄

江，以繼芳躅。奈自夏涉秋，麻疹流行，無家

不患其事遂止。是夕獨酌南軒，月白風清

不堪快暢，乃出門道遙，萬年橋詠而歸得

三絕句

千古風流赤壁游，喚醒坡老一杯酬。滿城問却

今宵月無復，人知壬戌秋。

飄然只訝泛虛舟，步自城隅到水頭。明月清風  
取無禁，萬年橋上獨游秋。  
蘇游七百八十霜，二賦于今赫赫光。商畧古人  
三不朽，終然只合屬文章。

又集前賦，字作四律錄二

泛舟壁下共徘徊，主客遨游属酒杯。桂棹光凌  
江露逝，洞簫聲舞壑蛟來。千秋有月如斯耳，一  
世之雄安在哉。天地苟知曾未變，人生消長又

何哀

萬頃秋波江渚間，漁樵安得託終焉。東山風月  
長清絕，夏口山川自鬱然。蘇子遨游今在此，周  
郎雄舉既登仙。孤舟發婦如相問，泣下江州白  
樂天

中秋無月用前韻

人逢逆境少遨游，背月南樓酌自酬。應是孀娥  
憐世態，避嫌不肯作中秋。

結柳為車草作舟，爭驅疲鬼送江頭。待他天地  
清明後，飽賞高寒閏月秋。今年閏八月  
橫江白露未為霜，赤壁月依蘇賦光。却恨中秋  
千古影，曾無人着大文章。

九月廿五日有命携家歸仙臺，余於是整

頓諸事蒼黃，治裝告別諸侯大夫及諸舊

友臨發留一首為別

一別非無再會期，多年交態奈今離。剛腸亦是

難支得，暗淚霑衣不自知。

東歸紀行三十首節錄十首

縱令聚散付夫天，臨別誰能不黯然。同學少年

唯自愛相逢，刮目是何年。千住驛謝來送諸子時小春念五日也

半生事業在江城，今是昨非何若情。避得虛名

歸故國，興行自覺一身輕。草如途

東指家山貧路回，輿簾半捲兩窓開。松杉風外

筑波翠，前面纔過後面來。小山道中所見

寒衾夢覺夜如何只見殘燈暗結花連枕妻兒  
眠在側一宵羈寓亦全家宿石驛

平蕪渺渺接遙天路入野州寒凜然日落二荒

山色黑行人晚度鬼奴川阿久津

黃茅白葦踏霜行毛野蕭條日易傾難奈興丁

頑獷甚只貪酒價不貪程太田原

日照輿簾紅欲流霜寒不犯黑羊裘半句無雨

仍無雪小隊容與入奧州黑羊裘即木攝州所贈

廿年重度奧州山屈指仙臺六往還落木寒雲

天漠漠不知何處白河關入白川

大兒閱曆小兒詩阿母目前嬌女嬉須賀川頭

南至酒微陽已動客中危宿須賀川是冬至

此去家山三日程歸心若箭奈痴情一條淨碧

逢隈水與我客興追逐行逢隈川

行窮奧野曠茫間敵盡征裘髮欲斑桑折驛西

三尺雪銀光流溢半田山發桑折驛



復月初七入封內意始安然是夜宿白石  
得六絕句

短才報國恨無期辛苦移家知為誰鄉思官情  
結成夢中吐出幾篇詩  
赫々東方一大藩老成雖少典刑存強兵之策  
果何出欲獻微臣富國論  
試問方今何等時因循寧可拘前規只應開法  
祖宗外事勢人情兩得宜

舊習由來兒戲多有司不曰奈之何明眼如能  
辨虛實快於漢祖祛煩苛  
一言君子以為知迂腐常談且莫嗤凡事須從  
至公出毀傷政體是斯私  
漫道經綸在宿儒區々講說竟何如欲將實用  
助人事活眼讀來天下書

既歸賦此自詔

百年天地寄蜉蝣明哲全身即善謀歸去終焉

卜云吉。江山信美。是吾州。

附錄木村楷堂詩

送磐溪先生歸仙臺時壬戌初冬念日

先生性磊落。豪氣吞百牛。六十滿頭雪。和氣  
自油油。青年學京攝。才名遍上游。更探瓊浦  
勝。清客共唱酬。江門開講肆。辯博莫與儔。朝  
陽鳳一鳴。俄然衆啾休。大藩重師儒。恩遇特  
渥優。一朝奉主命。携家向東陬。維時十月杪。

木落霜氣稠。行盡總毛野。見嶽雲表抽。纜出  
白川關。地勢如剖蚌。曠原時出沒。風雪撲征  
裘。前途多險阻。奇景足幽搜。想君詩筆妙。煙  
嵐囊底收。刮目歸鄉後。教化被一州。陶鎔育  
群材。絃誦四境周。况兼秦西學。精擇取其尤。  
粲然方寸中。報國有餘籌。我辭雖然陋。知心  
君許不。今夜故人酒。滿酌可以謳。


昨夢詩曆卷下



